



Broj: 04-44-1-205/19
Sarajevo, 27.11.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 26.11.2019. do 07:00 sati 27.11.2019. godine

Aparati u Centru za seizmologiju, Federalnog hidrometeorološkog zavoda u Sarajevu, registrovali su zemljotres dana, 26.11.2019. u 10:19 sati 10 km od Nevesinja, koji se osjetio i na području Kantona Sarajevo. Jačina zemljotresa u hipocentru iznosila je 5,2° Richtera, a intezitet u epicentru bio je VII° Merkalijeve skale. Općinskim službama civilne zaštite je od strane direktora Kantonalne uprave civilne zaštite Kantona Sarajevo, je naloženo da odmah izađu na teren i po potrebi pruže stanovništvu psihološku i drugu vrstu pomoći. Kantonalna uprava civilne zaštite Kantona Sarajevo, je također, pripremila i Uputstvo za građane kako da postupe u slučaju zemljotresa i uputila ga printanim i elektronskim medijima, Pres službi Vlade Kantona Sarajevo i općinskim službama civilne zaštite, te ga objavila na svojoj web stranici. Prema podacima prikupljenih od općinskih službi civilne zaštite i drugih davalaca informacija, osim uznemirenosti građana, zemljotres na području Kantona Sarajevo nije prouzročio veće materijalne štete. Zabilježeno je samo nekoliko pucanje zidova u objektima (Historijski muzej BiH, dva stana u naselju Dobrinja i stanu u naselju Stup).

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo u izvještajnom periodu imali su četiri manje intervencije i to: tri manje intervencije na gašenju zapaljenog smeća u kontejneru i jedna manja intervencija na gašenju zapaljene plafonjere.



Iz općinskih operativnih centara civilne zaštite i s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 2°C, vlažnost zraka 89%, barometarski pritisak 936,2 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1